

# लाहना

साप्ताहिक पत्रकारिता, शैया आतशकता LAHANA WEEKLY वा:पो

सा:गु भिंगु मरिचरिया तिति लुमका दिसँ !  
 लक्ष्मण जमाल 'चिलिमि' प्रोप्राइटर  
**लाखा छैँ**  
**LAKHA CHHEN**  
 सोन्हुटे, वडा नं. १६, येँ, फोन नं.: ४५६०७५८

## थुकि दुने

**सामाजिक भावना मदया वनाच्चंगु समाज दिलीप शाही "शान्तियज्जु" - २**

**बालिचःहे व थुकियालिसे स्वा:गु बाखं नानीकाजी सापू - ३**

**हस्तकला मेलं हस्तकला निर्यातय तिबः बी प्रचण्ड शाक्य - ६**

**बालाचःहेया लुती जुगु होम ४ - ५**

# नेपाल भाषा व तामाङ्ग नं सरकारी कामकाजी भाय् संवैधानिक अधिकारया न्हापांगु अभ्यास

वाग्मती प्रदेशय् नेपालीभाषाया अतिरिक्त तामाङ्ग व नेपाल भाषां सरकारी कामकाजी भाषाया मान्यता कागु दु । संविधान बमोजिम नेपाली भाषानापं प्रदेशदुने बहुसंख्यक नवाइगु निगु भाषायात सरकारी कामकाजी भाषा निर्धारण याय्गु वाग्मती न्हापांगु प्रदेश जुगु दु । मेथाय् प्रदेशनं बहुसंख्यक तयसं नवाइगु निगु भाषायात सरकारी कामकाजी भाषा प्रयोग याय्त प्रक्रिया न्ह्याकुगु खनेमदु ।

### लाहना संवाददाता

संविधानया धारा ७ या उपधारा (२) लय् नेपाली भाषाया अतिरिक्त प्रदेशं थःगु प्रदेशदुने बहुसंख्यक जनतां नवाइगु छ्यु वा छ्यु सिवे अप्व राष्ट्रभाषायात सरकारी कामकाजयो भाषा निर्धारण याय् फइगु उल्लेख याना तःगु दु । प्रदेश सरकारी कामकाजया भाषा ऐन २०८० राजपत्रय् प्रकाशित जुयाच्चंगु संविधानकया उगु धारा नं न्हापांगु इलय् छ्यलाबुलाय् वगु दु । अथेयानाः वाग्मती प्रदेशदुने निगु भाषा सरकारी कामकाजी भाषाया रूपय् छ्यलेगु वैधानिक लँ चागु वाग्मती प्रदेशका पर्यटन, उद्योग तथा सहकारी मन्त्री पुकार महर्जन धयादिल । भाषा नापं उकिया लागि छ्यलेगु लिपि तर्क सरकारी कामकाजय् छ्यलेफइगु दु ।

वाग्मती प्रदेश सरकारया अनुसार थ्वहे वइगु बैशाख २३ गते निसै उगु भाषायात सरकारी कामकाजय् लागू जुइ त्यंगु दु । राजपत्रय् प्रकाशित जुगु १ सय ८० दिं धुंकाः उगु ऐन लागू जुइगु प्रावधान दु ।

वाग्मती प्रदेशसभाया सर्वसम्मत रूप पारित यागु उगु ऐन गत कार्तिक २३ गते प्रमाणीकरण जुया उगु हे दिन राजपत्रय् प्रकाशित यागु खः ।

आः प्रदेश सरकारं नियमन क्षेत्राधिकारदुनेया सरकारी निकाय, सार्वजनिक संस्थान व प्रतिष्ठान लगायतया दक्व थासय् थुगु भाषा छ्यलेगु तयारी यानाः न्ह्यने वनेगु मन्त्री महर्जनया धापु दु ।

अथेहे दक्व सरकारी ज्या याय्त व कार्यालय दइगु सार्वजनिक दस्तावेजय् नं निगु भाषाया दस्तावेजीकरण व अभिलेखीकरण याय्माःगु ऐनय् धयातःगु दु । सेवाग्राही माःसा सरकारी कामकाजया भाषाय् लिखित व मौखिक सूचना बिइगु वा काय्गु जुइ । सेवाग्राहीपिंसं पेश याइगु निवेदन, प्रमाण, कागजात लगायतया सम्बन्धित दस्तावेज नापं वहे भाषाय् दस्तावेजीकरण व अभिलेखीकरण याइगु ऐनय् उल्लेख यानातगु दु ।

प्रदेश सरकारं प्रदेश राजपत्र प्रकाशन याइबलय् नेपाली भाषाया अतिरिक्त तामाङ्ग



व नेपाल भाषाय् नं याय्फइ । प्रदेश सरकार तथा स्थानीय तहलय् पत्राचार व सार्वजनिक सूचना प्रकाशन तथा प्रसारण याय्त कागजातया शीर्ष भागय् ना व मिति तामाङ्ग भाषाया मञ्जुश्री संवत् व नेपालभाषाया नेपाल संवत् समेत उल्लेख याय्फइ ।

उगु ऐनय् तामाङ्ग भाषा व नेपाल भाषालिसैया प्रदेश दुने न्वागु फुक्क भाय्यात प्रदेश विश्वविद्यालय, उच्च शिक्षा व शिक्षण संस्थाय् स्नातकोत्तर तर्गि व विद्यावारिधि तर्गितक अध्ययन, अध्यापनया व्यवस्था याय् फइगु धाःगु दु । प्रदेश सरकारी कामकाजया

भाषा प्रयोगयात मानकीकरण वा स्तरीकरण, आधुनिकीकरण, व्यवस्थित र सेवाग्राहीमैत्री दय्केत कम्प्युटर प्रोग्राम, उपकरण, भाषा अनुवादसम्बन्धी प्रविधि व यन्त्रत माःकथं व्यवस्थालिसै सम्बन्धित ज्या याय्माःगु खँ ऐनय् न्ह्यथनातःगु दु ।

ऐनय् दुगु व्यवस्था कार्यान्वयन याय्त सरकार प्रतिबद्ध दुगु उद्योग वाणिज्य, भूमी तथा सामान्य प्रशासन मन्त्री रामकृष्ण चित्रकारं धयादिल । ऐनया कार्यान्वयनय् सुं नं सत्तापक्ष व प्रतिपक्ष जुइमखु । सकलै जानाः कार्यान्वयन याइ । मन्त्री चित्रकारं धयादिल ।

वाग्मती प्रदेशया थ्व ज्यां जनस्तरय् प्रदेशया उपस्थिति व महत्वयात थुइकीगु प्रधानमन्त्री पुष्पकमल दाहाल 'प्रचण्ड' धयादीगु दु । वय्कलं थुगु ज्यां राष्ट्रियता व विविधतायात ब्वलंकेगु ज्या याइगु धयादीगु दु ।

वाग्मती प्रदेशया सांसदीपनि ल्हाःचिं मुंकेगुनिसै थीथी अर्न्तक्रिया, त्यं ७ पेजय्

## प्रहरी चौकी चीकेत न्हापा हे सम्भौता



हनुमानध्वाखाय् च्वंगु पुलांगु प्रहरी चौकी चीकेगु लागिं नेपाल प्रहरीलिसै न्हापा हे सम्भौता जुइधुंकेगु खँ पिहां वःगु दु । हनुमानध्वाखाया प्रहरी चौकी लिसै अन दुगु नेपाली सेनाया ब्यारेक चौकाः उगु थासय् खुल्ला यायेगु योजना येँ महानगरपालिका लगायतया निकायतय्सं तयार याःगु खः । तर सरकारी प्रक्रिया ढिला जुगुलिं जिल्ला प्रहरी कार्यालयया पुलांगु भवन थुने लिबानाच्चंगु खः । येँ महानगरपालिकाया

पुलांम्ह मेयर विद्यासुन्दर शाक्य थःपिसं प्रहरीया भवन थुनेत टेण्डर आह्वानया तयारी समेत यायेधुनागु खँ कनादिगु दु ।

वहे इलय् चुनाव वःगुलिं ज्या मन्ह्याःगु खँ नं वय्कलं कनादिल । हनुमानध्वाखा लागा खुल्ला यायेगु लागिं हे उगु प्रहरी कार्यालयया लिउने च्वंगु निगू स्कुल कान्ति व कन्या मावि्यात मेगु स्कुलय् मर्ज यानाः स्कुलया छँ थुनेगु ज्या न्ह्याकागु खँ नं वय्कलं कनादिल । त्यं ७ पेजय्

*Trendiest Fashion At Price You Love*

**ufo** the clothing store

Binod Maharjan 9841369552, 9808644666

**बि.आर्ट्स**

**B. Arts**

Nayabazar, Kirtipur

4335491, b.arts4335491@hotmail.com

- Banner, Flex Board
- Glow Sign Board
- Sticker Cutting / Printing
- Screens/ Rubber Print
- Self-ink/ Rubber Stamp
- PVC(ID) Visiting Card & all kinds of press works



## नेवा: राष्ट्रिय म्ये

चमि : दुर्गालाल श्रेष्ठ लय् चिनामि : तिर्थ माली

धुन दने धुन सँन्त्यलं भी फुक्कं हे छम्ह जुइ धुन  
भीगु लागाय् भी स्वयं हे ज: जुया धुन लुइ धुन  
ह्यांगु भुमिइ अष्टमण्डल ह्यांगु चा: दुने थी नगु  
भीगु नेवा: ध्वाँय् थ्व हे ख: ज्यान भी सकस्यां छगू  
जातितय् स्वायत्त राज्य लुइ कर्प च्वय् भिर्लिमिलितं  
राष्ट्र भ:भ: धाय्क न्ह्याके भीगु च:र्त भीगु हिं

## सामाजिक भावना मदया वनाच्चंगु समाज



दिलीप शाही "शान्तिचज्जु"

१ नम्बर प्रदेशयात कया: पहिचानवादी व नेकपा एमाले आमने सामने जुइगु अवस्था ब्वलंगु दु। एमाले वंगु मंसिर १४ गते मध्यपहाडी लोकमार्गया सुदूरपश्चिम बैतडीया भुलाघाट न्ह्याकूगु अभियान पाँचथरया चिवाभञ्ज्याङ्य क्वचायेकेगु कथं ज्याइव: क्व:छिनात:गु दु। एमालेया थ्व अभियानयात पहिचानवादीतयसं ययेका मच्चंगु जक मखु उकियात कया: विरोध नं यानाच्चंगु दु। अफ्न धायेगु ख:सा एमालेया अभियानयात पंग: थनेगु कथं थीथी ज्याइव: लिसे अनिश्चितकालीन बन्द्या घोषणा यानात:गु दु। थ्व अभियान एमाले न्ह्याथे याना: नं पूर्वकेगु कथं तयारी यानाच्चंगु दुसा पहिचानवादीतयसं न्ह्याथे याना: नं पंग: थनेगु कथं तयारी जुयाच्चंगु दु। थ्वहे इवल्य पहिचानवादीतयसं वक्तव्य हे पिथना: उकियात पंग: थनेगु लिसे एमालेया स्वम्ह नेता व प्रदेशया ८२ म्ह सांसदतयत अन गुगु नं कथं उपस्थिति मयाकेगु धका: घोषणा यायेधुंकूगु दु।

खय्त ला थ्व स्वयां न्ह्य: नं एमालेया अध्यक्ष केपी ओली शर्मा लिसे योगेश भट्टराईया ज्याइवल्य पंग: थनेगु लिसे आक्रमण यायेधुंकूगु दु। अथे ख:सां नं एमाले धिप्पी हे याना: अन ज्याइव: यायेत्यंगु कारणं याना: एमाले व पहिचानवादी दथुइ तनाव जुइफइगु अनुमान जुयाच्चंगु दु। १ प्रदेशया नां कोशी तयेवं उकियात कया: प्रदेशय् निरन्तर आन्दोलन जुयाच्चंगु दु। प्रदेशया आन्दोलन तच्चया: वनेवं थीथी राजनीतिक पार्टीतयसं उकियात कया: आत्मालोचना यायेधुंकूगु दु। लिसे आ: तत्कालीन इलय् कोशी प्रदेशया पक्षय् मतदान या:पिं (एमाले बाहेक) आपालं सांसदपिसं थ:पिनिगु गल्ती जगु धासें वक्तव्य बियाच्चंगु अवस्था ख:। उकथं हे प्रदेशया सांसदतयसं आ: वया: पहिचानया आन्दोलनयात सम्बोध यायेमा: धका: धायेगु यानाच्चंगु दु। थुकथं छेपे पहिचानया आन्दोलन घनिभुत जुया: वनाच्चंगु दुसा मेखे थ्व आन्दोलनयात आदिवासी जनजातिं जक मखुसें थीथी समुदाय नं समर्थन यानाच्चंगु अवस्था ख:। अफ्न विशेष याना: धायेगु ख:सा खस समुदाय नं थ्व आन्दोलनयात थ:पिनिगु समर्थन दु धका: धायेगु यानाच्चंगु जक मखुसें कोशी प्रदेश नांयात कया: विरोध नं यानाच्चंगु अवस्था ख:।

संविधान जारी जुइ न्ह्य: हे आदिवासी जनजातिं लिसे थीथी समुदाय पहिचानया आधारय्

प्रदेशया नामांकरण जुइमा: धका: स: थ्वयेका वयाच्चंगु ख:। आदिवासी जनजातिलिसे थीथी समुदायया आन्दोलनया कारणं याना: तत्कालीन इलय् पहिचानया आधारय् प्रदेशया नामांकरण जुइगु अनुमान यानाच्चंगु ख:। तर २०७२ सालय् त:भुखाय् ब्व:गु इलय् प्रदेशया नामांकरण छेपे तया: संविधान जारी यायेगु ज्या जुल। वयां लिपा राजनीतिक पार्टीतयसं पहिचानया आन्दोलनयात मत्थर यायेगु ज्या यात। विशेष याना: पहिचानया मुद्दा ल्हवना: जनयुद्ध न्ह्याकूगु माओवादीं तर्क पहिचानयात वेवास्ता यायेगु ज्या यात। गुकिया

फयाच्चंगु मडु। ख: पहिचानवादीतयसं फ्वनाच्चंगु थ:गु ऐतिहासिक पहिचान ख:। गुगु आदिवासी जनजाति ता: इर्लानसें तर्के मालाच्चंगु ख:। अथे थज्या:गु अधिकार थौं संसारया थीथी देशय् बीगु यानाच्चंगु दु। तर नेपालय् च्वपिं आदिवासी जनजातियात थुकथं थ:गु पहिचान बीगु नितिं दकल्य् अप्व: पंग: जुयाच्चंगु पार्टी धइगु थौं एमाले जुयाच्चंगु दु। तर पहिचान बीत थुकथं लिचिलाच्चंगु कारण धा:सा अफ्न नं एमाले स्पष्ट याये फयाच्चंगु मडु।

खय्त ला पहिचानवादीयात मागयात सम्बोधन यायेगु ख:सा



यदि कोशी प्रदेशया नां हिलेगु अवस्था वल धा:सा थुकथं मेमेगु प्रदेशय् नं पहिचानया स: बुलन्द जुया: वनिगु सम्भावना दु। तर अफ्न नं न्हयस: छु धा:सा एमाले थेंज्या:गु पार्टी पहिचानया विरोधी छाय् जुयाच्चंगु ? प्रदेशया नां पहिचानया आधारय् तयेवं एमालेयात छु घाटा जुइ ? थ्व खँ आतक एमाले स्पष्ट याये फयाच्चंगु मडु।

लिच्च: पहिचानया मुद्दा ध्याकुनय् लाकेगु ज्या जुल। तर मधेश प्रदेशय् धा:सा पहिचानया आधारय् नां तयेत मधेश प्रदेशया सांसदत सफल जुल। मेमेगु प्रदेशय् धा:सा थुकथं सफल जुइ मखुत। तर नं पहिचानया आन्दोलन न्ह्याना हे च्वंगु दुसा आ: वया: थ्व पहिचानया आन्दोलन उत्कर्ष थ्यनेफइगु सम्भावना नं अप्वया वनाच्चंगु दु। विशेष याना: एमालेया पहिचान विरोधी छवि याना: थ्व आन्दोलनयात सा बीगु ज्या जुयाच्चंगु दु।

एमाले आ: न्ह्याकाच्चंगु अभियानया इवल्य छुं नं कथं द्वन्द्वया अवस्था ब्वलना धा:सा निश्चित दु थ्व द्वन्द्व पहिचानया पक्षय् देय्-न्यंक न्यना वनिगु सम्भावना दु। अले थ:गु अधिकार कायेगु थ्व आन्दोलनयात फुक्कं धयाथे पहिचानया पक्षधरपिसं तिब: बीगु स्वभाविक जुइ। आ: हे नं बागमति लगायत थीथी प्रदेशय् पहिचान पक्षधरपिसं पहिचानया स: थ्वयेकेगु ज्या यानाच्चंगु दु। विशेष याना: बागमति प्रदेशय् आदिवासी नेवा: लिसे तामाङ समुदाय नेवा:-ताम्सालिङ प्रदेश नां तयेमा: धका: स: थ्वयेकेगु ज्या जुयाच्चंगु दु। यदि कोशी प्रदेशया नां हिलेगु अवस्था वल धा:सा थुकथं मेमेगु प्रदेशय् नं पहिचानया स: बुलन्द जुया: वनिगु सम्भावना दु। तर अफ्न नं न्हयस: छु धा:सा एमाले थेंज्या:गु पार्टी पहिचानया विरोधी छाय् जुयाच्चंगु ? प्रदेशया नां पहिचानया आधारय् तयेवं एमालेयात छु घाटा जुइ ? थ्व खँ आतक एमाले स्पष्ट याये

एमालेयात हे फाइदा जुइगु जुइ। तर अथे ख:सां नं एमाले पहिचानवादीया मागयात सम्बोधन यायेत मस्वयाच्चंगु छाय् धइगु न्हयस: ब्वलनाच्चंगु दु। अथे जुया: थौं गुगु कथं एमाले विरुद्ध पहिचानवादीत न्ह्य:ने वयाच्चंगु वा द्वन्द्वया अवस्था ब्वलनाच्चंगु दु। थुकियात मदयेकेगु कुत: एमालेपाखे जुइगु ख:सा बांलाइ। मखु पहिचानवादीया विरोध जुइक जुइक नं थ:गु हे धिपि याना: एमाले न्ह्या:वनेगु ख:सा आ: ब्वलनीगु द्वन्द्वया भागिदार एमाले जुइगु निश्चित दु। देशय् ब्वलनीगु गुगु नं कथंया राजनीतिक घटना वा मागयात कया: सम्बोधन यायेगु दायित्व राजनीतिक पार्टीतय् ख:। अले नेपा:या संविधान कथं प्रदेशया नामांकरण वा उकिया नां हिलेमालिगु अवस्था निगू तिहाइ बहुमत मा:।

वर्तमान इलय् एमालेया तिब: दइगु ख:सा निश्चित रूपं प्रदेशया नां अफ्न नं पहिचानया आधारय् कायम यायेफइगु अवस्था दु। अले राजनीतिक मागयात सम्बोधन यायेत एमाले लिचिलेगु धइगु अन्तत: राजनीतिक रूपं एमालेयात हे घाटा जुइगु ख:। एमाले न्ह्याकाच्चंगु मिसन ८४' सफल यायेगु ख:सा एमाले आ: पहिचान विरोधी थ:गु चरित्र हिलेमा:गु दु। यदि एमाले थ:त महिलेगु ख:सा मिसन ८४ सफल यायेत थाकुइगु जक मखु। पहिचान विरोधी छवि एमालेया अस्तित्वय् तर्क लिच्च: लाकेफइगु खँय् सजग जुइमा:।

## सम्पादकीय

### चवबहा:स्थित सुक्खा बन्दरगाहया सवाल

किपू नगरपालिका दुने ला:गु ऐतिहासिक नापं सांस्कृतिक रूपं महत्वपूर्ण लागा अले चवबहा:या क्वयना गणेद्य: लागाय् दयेकूगु सुक्खा बन्दरगाह ख:। बाहिरी चक्रपथ नापं फष्टयायक नाप स्वाका दयेकेगु योजना तत्कालिन सरकारतपाखें या:गु ख:। स्थानीयवासीया तससं विरोधया बाबजुत नं राज्यं सुक्खा बन्दरगाह दयेका हे त्व:तल। सुक्खा बन्दरगाह दयेके धुंकूसां खास हे उकियात प्रयोग याये फयाच्चंगु मडु। छाय् धा:सा बाहिरी चक्रपथ नापं फष्ट ट्यायक नाप मस्वायेवं व बन्दरगाहया प्रयोग खास हे जुइगु अवस्था वइमखु। स्थानीयवासीतसें ला राजधानीइ हे अथे सुक्खा बन्दरगाह दयेके मज्यू धका: तसकं विरोध या:गु ख:सां बस्तवय् सरकारं बेवास्ता याना दयेकूगु खने दु। सुक्खा बन्दरगाहयात कया इलय् ब्यलय् राज्यया थुगु निर्णय पाय्छि मजुल धका: तर्क स: तयेगु नापं बहस यायेगु ज्या जुयामच्चंगु नं मखु।

लिपांगु इलय् वया चवबहा:या सुक्खा बन्दरगाह संचालनया जिम्मेवारी निजी क्षेत्रयात बिउगु समाचार व:गु दु। छ दिं न्ह्य: जक संचालक समिति व ट्रान्स नेपाल टीआरएस लोजिपार्क प्रा.लि.दथुइ बन्दरगाह संचालन सम्झौताय् ल्हा:चिं जूगु ख:। न्यादँया नितिं २ करोड ८८ लख रकम न्यूनतम सट्टापट्टा बहाल व नियम कथं महसुल बाँडफाँट यायेगु कथं सम्झौताय् ल्हा:चिं जूगु ख:। समिति वंगु साउन ९ गते टेण्डर आह्वान या:गुलि ट्रान्स नेपाल व न्यू नेपाल दुवानी सेवा कम्पनीं ब्यूगु आवेदनय् समितिं प्राविधिक मूल्यांकनपाखें ट्रान्स नेपालयात बन्दरगाह संचालन अनुमति बिउगु ख:। करार सम्झौता समितिया निर्देशक युवक डंगोल व संचालक कम्पनीया पाखें प्रबन्ध निर्देशक मुकेशकुमार राठीं ल्हा:चिं त:गु ख:।

सुक्खा बन्दरगाह गुगु कथं संचालन जुइमा:गु ख: उगु कथं जुइगु संभावना मडु धका: स्थानीयवासीं धायेगु याना वयाच्चंगु दु। थुगु बन्दगाह संचालनया नितिं राज्यं खास हे योजना दयेकाच्चंगु मडु अले दीघकालिन कथं फाष्ट ट्यायकया जिरो किलोमिटर तर्क बन्दरगाह नाप मस्वाइगु अवस्थाय् थुकिया अर्थ मडु धका: तर्क धायेगु याना वयाच्चंगु दु। न्ह्यागु हे जूसां भूतिक रूपं निर्माण जुइ धुंकूगु बन्दरगाहयात आ: गुगु कथं प्रयोग यायेगु धइगु सवाल वइ। बन्दरगाह संचालक समितिं निजि कम्पनीयात संचालनया जिम्मा बिउगु धइगु बांलाकेगु नितिं जुइमा:। सुक्खा बन्दरगाहयात गुलि फ उलि सदुपयोग यायेमा: अले स्थानीयवासीया भावना कथं नं न्ह्या: वनेगु कुत: यायेमा:।



# बहना

किपा : श्याम था



बाला चतुर्दशीया लुती जूगु होम पूजा



# हस्तकला मेलां हस्तकला निर्यातय तिबः बी



प्रचण्ड शाक्य, नायः, नेपाल हस्तकला महासंघ

नेपाल हस्तकला महासंघया ग्वसालय श्वहे मंसिर २८ निसैं पुस २ गतेतक २० क्वःगु हस्तकला मेला लिसैं १८ क्वःगु कला प्रतियोगिता ग्वसाः ग्वयत्यंगु दु। थुगु मेलाया तयारी व महासंघया गतिविधियात कयाः महासंघया नायः प्रचण्ड शाक्यलिसेया खँहावल्हा थन न्ह्यब्वयाचवना।

२० क्वःगु हस्तकला मेला तथा १८ क्वःगु हस्तकला प्रतियोगिताया तयारी गुकथं जुयाचवंगु दु ?

वि.सं. २०४६ सालनिसैं मदिक्क महासंघया ग्वसालय हस्तकला मेला जुयावयाचवंगु दु। महासंघया नियमित ज्याइवःकथं थ्व ज्याइवः न्ह्याका वयाचवनागु दु। थुगुसीया ज्याइवःया मूपाहँकथं जिमिसं राष्ट्रपतियात व्वनागु दु। वय्कः भाइगु पक्का जूगु दु। मेलाय १२० य् स्टलय हस्तकलाया ज्वलंतय व्वज्या जुइ। थन यैं महानगरपालिका, यल महानगरपालिका, गोदावरी नगरपालिका, मध्यपुर थिमि नगरपालिका, साँखु व बागमति प्रदेशया नं ब्यागलं ब्यागलं स्टल दइ। थुगुसी धेंधेबल्लापाखे परम्परागत विधाय पौभाः विधायत कयागु दु गुकी १६-१७ म्ह कलाकारपिसं व्वति कयादी। गुगु प्रत्यक्ष प्रदर्शनीकथं जुइ। लिपांगु न्हि वय्कःपिं मध्ये उत्कृष्टयात सिरपाः लःल्हायगु जुइ। थुकथं हे समसामयिक विषयसं छुवालि कलायात कयागु दु। थुकी १५-१६ म्हेसिनं व्वति कयादी त्यंगु दु। थुकिया लिसैं ७० दं च्वय्यापिं हस्तकला कलाकारपिन्त हनेगु, उत्कृष्ट निर्यातकर्तायात हनेगु नं ज्याइवः दु। मेलाय अमूर्त कलाया संरक्षण

यानाचवनादीपिं कलाकारपिन्त कला प्रदर्शन व हस्तकलाया कलाकारपिन्त नं कला न्ह्यब्वयगु ज्याइवः दु। ज्याइवः तयारीया अन्तिम चरणय थ्यने धुंक्नु दु।

मंसिर ७ गते हे यायगु धकाः छिकपिसं न्हापा थ्व ज्याइवःया घोषणा यानादीगु खः आः मंसिर २८ गते छाय् घवाना दियागु खः ?

मंसिर ७ गतेया परिस्थितिं यानाः हे थुगु ज्याइवः लिच्छयाय् माःगु खः। थुकिं हस्तकलाया पासापिन्त लिच्चः मलायमा व सुयात पंगः मवयमा धकाः जिमिसं उक्रियात भचा लिच्छयानागु खः। ज्याइवः लिच्छयाय्गु निर्यात राष्ट्रपति ज्याकु प्रधानमन्त्री ज्याकु गृह मन्त्रालय, सीडीओया सहसचिवपाखें हे जिमित विचाः यायत धाःगु व अवस्था गम्भीर जुइफु धाःगु हुनिं थये यायमाःगु खः।

हस्तकला मेलाय छु छु ज्वलंत दइ ?

थौकन्हय निर्यातय अप्वः धयाथें फेल्टया ज्वलंतय माग दु। थुकिया लिसैं पश्मिना, ल्हातं दय्कातःगु भ्वं, अले धातु मूर्ति, प्राकृतिक रेसाया वस्तुत, तिसात गुकिं भविष्यय बांलाःगु बजाः काइगु सम्भावना दु, उज्वःगु ज्वलंत जिमिसं न्ह्यब्वय त्यनागु दु। खला हस्तकलाया ४२ विधा धकाः जिमिसं धया वयाचवनागु दु अले ६० गू देसय् निर्यात जुयाचवंगु दु। थ्व फुकक ज्वलंत कःघानाः जिमिसं प्राथमिकता बियागु दु। जिमिगु १३ गू वस्तुगत संघत व १९ गू जिल्ला संघत दु। थुपिं फुकक थायत जिमिसं कःघानागु दु।

थुगुसी सुयात सुयात हनेज्या यानादी त्यनागु दु ?

हनेज्याया निर्यात नं जिमिसं विधागत रुपय् ब्वथलागु दु। परम्परागत विधाकथं चा व भ्वंया ख्वाःपाः दय्कीपिं कलाकार, धातु मूर्तिया कलाकार, लुँवहःया ज्या याइपिं कलाकारपिन्त जिमिसं हने त्यनागु खः। थुकी बुट्टा कीपिं कलाकारपिं गुपिं थौकन्हय ज्याथः जुइधुंक्ल, तर नेपाल सरकारपाखें गुगु कथंया सम्मान काय् मखीपिं कलाकारपिं ल्यायाः जिमिसं हने त्यनागु खः।

हस्तकलाप्रति नेपाल सरकारया नीति गुज्वःगु दु ?

खला जि महासंघया नायलय निर्वाचित जुसानिसैं हे नेपाल सरकारं हस्तकलायात न्हापांगु प्राथमिकता बीमाः धकाः न्ह्यानाचवनागु दु। थुकिया निर्यात हस्तकलाय् न्ह्यज्याइपिन्त प्रोत्साहित यायमाः धकाः जिमिसं संघ, प्रदेश व स्थानीय तगिमय् खँ तयागु दु व थुकिया निर्यात निरन्तर न्ह्यानाचवनागु दु। नेपाःया जीडीपीइ कृषि धुंकाःया निगुगु निर्यात जुइगु व योगदान बीगु लागु जूगुलिं थ्व लागयात प्राथमिकताय् तयमाः धकाः न्ह्यज्यानाचवनापिं दु। महासंघं २०७५ सालय् हे उद्योग तथा वाणिज्य मन्त्रालयस हस्तकलाया नीति दय्के माः धकाः अवधारणा लःल्हानागु दु। राजनीतिक अस्थिरताया हुनिं थ्व ज्या भचा लिज्याः वंगु दु। थ्वहे नीतिकथं बागमति प्रदेशय् हस्तकला ग्रामया विधेयक पारित जुइधुंक्नु दु। हस्तकला ग्रामया विधेयक अन्तिम चरणय् थ्यंगु अवस्थाय् थुकियात ग्वहालि जुइकथं ललितपुर क्षेत्रयात क्राफ्ट सिटी घोषणा जूगु दु। थुकिया लिसैं जनकपुर, भक्तपुर, यैं थें हे मेमेगु थासय् थुकियात हस्तकलाया केन्द्रकथं विकास यायमाः धकाः थुकियात क्राफ्ट सिटीकथं मान्यता बीकेगु निर्यात वर्ल्ड क्राफ्ट काउन्सिलय् अध्ययनया रुपय् जिपिं न्ह्यानाचवनागु दु।

मेलाया व्यवस्थापन गुकथं जुयाचवंगु दु ?

हस्तकला मेलाया मूल कमिटीया संयोजक धकाः कार्यसमितिं हे भाला कयागु दु। मूल कमिटीइ १३ गू वस्तुगत संघ, जिल्ला संघतलिसैं संघया सल्लाहकारपिं मूल कमिटीइ दु। थुकिया लिसैं मेमेगु आवश्यक व्यवस्थापनया निर्यात प्रचारप्रसार, स्टल व्यवस्थापन, सजावट, कला प्रतियोगिता लगायत थीथी १२ गू उपसमितित दय्कागु दु।

थुगु मेलाया अवलोकन ग्वःम्हेसिनं व्वति काइगु अनुमान दु ?

जिमिगु लक्ष्य ५ लख खः। ठमेल व रत्नपार्क सतिक्क व दथुइ लाःगुलिं ज्याइवः ताःलाइगु जिमिगु भलसा दु। थन यक्क मनुतयूसं व्वति काइ। थ्व मेलाय जिमिसं बी टू बी व बी टू सीया ल्याखं नं ग्राहक वइ धइगु भलसा कयागु दु। भचा भचा प्रोडक्ट न्याइपिं नं वइ। लिसैं बी टू बीकथं प्रोडक्ट स्वयाः लिपा अर्डर बीपिं नं वइ। थुगुसी जिमिसं चाइना आर्ट्स एण्ड क्राफ्ट सोसाइटीयात नं व्वनागु खः। ७ गतेया परिस्थितिया हुनिं मेला लिच्छयाय् माल। आः नं केरुडं छुं छुं मनुतयूत तयार दुगु जानकारी वःगु दु। मेलाय लगभग ३-४ करोडया कारोवार जुइगु अनुमान दु।

हस्तकला नीतिया निर्यात महासंघं आः गुज्वःगु कुतः यानादी ?

हस्तकलाया मौद्रिक नीति व आर्थिक नीतिया निर्यात अर्थ मन्त्रालयं इलय्ब्यलय सुभावात पवनी। थ्वहेकथं भीसं उद्यमी प्रवर्द्धनया निर्यात न्ह्याबले नं सुभावा बियावयाचवनागु दु। नेपाल सरकारं थ्व लागयात घरेलु तथा साना उद्योगकथं जक मखु थुकियात विशेष स्थान बियाः स्वयमाः। हस्तकलां नेपाःयात अन्तर्राष्ट्रियस्तरय् म्हेसीकेगु ज्या जुयाचवंगु दु।

अनलाइनय् भ्यालु एडेड प्रोडक्टकथं अक्सनय् स्वयादी फइ मिलियन डलरया प्रोडक्टकथं नेपाःया नां तयाचवंगु दु।

नेपाःया मूर्तिया माग चीनय् यक्क दु, गुकिया ९ प्रतिशत जक भीसं पूर्वके फयाचवंगु दु, ११ प्रतिशत ला त्यं हे दनि। थये जूगुलिं अफ्रि नं बजाः तःधं। थुकी नेपाल सरकारं नं साथ बियाः हस्तकला लागयात प्रवर्द्धन यायफत धाःसा अफ्रि विस्तार याय फइ। थुकिया लिसैं भी नेपाःमि दाजुकिजापिं जानाः थ्व बजाःया सदुपयोग याय फय्केमाः। भीसं आः नं अस्वस्थ प्रतिस्पर्धा यानाचवना धाःसा भीगु गुणस्तर कुहौं वनी। थये जूगुलिं सकल दाजुकिजापिं जानाः न्ह्याः वनेत इनाप यानाचवना। लिसैं नेपाल सरकारया पदाधिकारी व कर्मचारीपिसं नं नेपाली हस्तकलाया ज्वलंत छ्यलाः हस्तकलाकर्मपिन्त प्रोत्साहन बीत इनाप यानाचवना।

मेलाया व्यवस्थापन गुकथं जुयाचवंगु दु ?

हस्तकला मेलाया मूल कमिटीया संयोजक धकाः कार्यसमितिं हे भाला कयागु दु। मूल कमिटीइ १३ गू वस्तुगत संघ, जिल्ला संघतलिसैं संघया सल्लाहकारपिं मूल कमिटीइ दु। थुकिया लिसैं मेमेगु आवश्यक व्यवस्थापनया निर्यात प्रचारप्रसार, स्टल व्यवस्थापन, सजावट, कला प्रतियोगिता लगायत थीथी १२ गू उपसमितित दय्कागु दु।

थुगु मेलाया अवलोकन ग्वःम्हेसिनं व्वति काइगु अनुमान दु ?

जिमिगु लक्ष्य ५ लख खः। ठमेल व रत्नपार्क सतिक्क व दथुइ लाःगुलिं ज्याइवः ताःलाइगु जिमिगु भलसा दु। थन यक्क मनुतयूसं व्वति काइ। थ्व मेलाय जिमिसं बी टू बी व बी टू सीया ल्याखं नं ग्राहक वइ धइगु भलसा कयागु दु। भचा भचा प्रोडक्ट न्याइपिं नं वइ। लिसैं बी टू बीकथं प्रोडक्ट स्वयाः लिपा अर्डर बीपिं नं वइ। थुगुसी जिमिसं चाइना आर्ट्स एण्ड क्राफ्ट सोसाइटीयात नं व्वनागु खः। ७ गतेया परिस्थितिया हुनिं मेला लिच्छयाय् माल। आः नं केरुडं छुं छुं मनुतयूत तयार दुगु जानकारी वःगु दु। मेलाय लगभग ३-४ करोडया कारोवार जुइगु अनुमान दु।

मेलाया इवल्य न्हापा छिकपिसं गुज्वःगु कासात न्ह्याका दियागु दु ?

जिमिसं न्हापा व्वति काःगु स्टलतयपाखें उत्कृष्ट ल्यायाः

धेंधें बल्ला यायगु यानावयाचवंगु खः। खुक्कःगु कला प्रतियोगितानिसैं जिमिसं कलाकारपिन्त हे व्वति काय्काः प्यन्हु दुने छुं न छुं कलाकृति दय्के बियाल वय्कःपिसं दय्कूगु कलाकृति स्वयाः कासा न्ह्याका। थुकी जिमिसं चाया मूर्तिकला, पौभाः, पाताज्या, कतांज्या, तिसा डिजाइन यायगु, मैनाया मूर्ति दय्केगु, समसामयिक रुपय् हातेकागजया तिसा डिजाइन, फेल्टया तिसा डिजाइन, बुनाइ, पोतेजन्य वस्तुत, प्राकृतिक रेसायात नं थाय् बियाः कासा न्ह्याकागु दु।

कासामिपिसं गुकथं व्वति काय् फइ ?

मेलाया उलेज्या धुंकाः पौभाःया कलाकारपिन्त क्यानभास व छ्वालीया कलाकारपिन्त छ्वाली व भ्वं बीगु जुइ। गुकियात छ्यलाः वय्कःपिसं प्यन्हुया दुने अन हे च्वनाः गुज्वःगु कलाकृति तयार यानादी, उक्रिया हे लिधंसाय् वय्कःपिन्त मूल्यांकन जुइ। थुकिया निर्यात पौभाः कला व छ्वाली कलाया विज्ञापिं दुथ्याःगु निर्णायक समिति तयार यानागु दु। वय्कःपिसं स्वयाः कलाया मूल्यांकन यानादी। वय्कःपिसं बियादीगु ल्याःया लिधंसाय् हे उत्कृष्ट कला ल्ययगु जुइ। वय्कःपिं सु सु जुयादी धइगु लिपा हे जक घोषणा यायगु जुइ।

मेलाया आःतकया उपलब्धी छुं ताय्का दिया ?

मेला जुइबलय हस्तकलाया न्हून्हुगु उत्पादनत प्रदर्शनीइ वइ व उक्रिया अर्डरत वय्गु याःगु जिमिसं खंकागु दु। थुकिं हस्तकला निर्यातय नं तिबः बियाचवंगु दु। थ्व मेलाय हस्तकला महासंघया लगभग एक करोड खर्च जुइ। थुकिं हस्तकला व्यवसायीपिन्त प्रोत्साहन जुइगु व थुकिं निर्यात नं अप्वइगु जूगुलिं जिमिसं थुकियात निरन्तर न्ह्याकावयाचवनागु खः।

दकले लिपा लहना वाःपौया व्वनामिपिन्त छुं धयादी कि ?

थ्वहे मंसिर २८ गतेनिसैं पुस २ गतेतक होटल अन्नपुर्णय १० बजेनिसैं ६ बजेतक नेपाल हस्तकला महासंघया ग्वसालय २० क्वःगु हस्तकला मेला व १८ क्वःगु कला प्रतियोगिता ग्वसाः ग्वयागु दु। थन प्रदर्शनी स्वयाः हस्तकलाया ज्वलंत गुलि गुणस्तरिय जू धइगु स्वः भायत इनाप यानाचवना।

हरेक मंगलवार राष्ट्रियताको लागि समर्पित

**मेरो साप्ताहिक**

मन्त्रा साप्ताहिक Mero Saptahik

मालाः मालाः ब्वनादिसैं ।

Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।

आउटडोर भेज क्याटरिङ पनि गरिन्छ।

## राजोपाध्याय म्ये कासा क्वचाल



लकडाउनया हुनि जुझमफयाचवंगु राजोपाध्याय म्ये कासा अन्ततः स्वदं लिपा जगु दु। शनिबाः यलय राजोपाध्याय गायन कासा क्वचाल। कासाय सक्षम शर्मा राजोपाध्याय न्हाप लात। अथे हे, सुभिया राजोपाध्याय ल्यू व सौरभ राजोपाध्याय लियाल्यू लात। त्याकामि स्वम्हेसितं निर्णायक मण्डलया दुजः कलानिधि इन्द्रा संगीत महाविद्यालयया प्रिन्सिपल, वरिष्ठ म्येहालामि धनबहादुर गोपाली ट्रीफि लःलहानादिल।

तका सिरपाः धाःसा पुष महिनाय जुझु समाजया दैमुँज्याय लःलहायेगु समाजया नायः संजय शर्मा राजोपाध्याय जानकारी बियादिल। न्हाप, ल्यू व लियाल्यू लाःपिन्त छसिकथं भिद्वः तका, न्हयद्वः तका व प्यद्वः तका सिरपाः बीगु समाजं धाःगु दु। निर्णायक मण्डलया दुजः वरिष्ठ म्येहालामि गोपाली त्याकामिपिनिगु नां घोषणा यासं थः मस्तयत कला क्षेत्रय् न्ह्याःवनेत हःपाः बीत अभिभावकतयत इनाप यानादिल। 'कला क्षेत्रयात स्वयेगु मिखा

आः पाः, थुगु क्षेत्र सम्मानया ल्याखं जक मखु, आर्थिक ल्याखं पाः। थः मस्तयत थ्व क्षेत्रय् न्ह्यज्याकादिसँ गोपाली धयादिल। निर्णायक मण्डलय् गोपालीलिसँ संगीत संयोजक, क्लासिकल गितारिस्ट भुपेन्द्र बज्राचार्य व नेपालया न्हापांम्ह हवाइन गितारिस्ट ईश्वर जोशी दुगु खः।

ज्याइवल्य म्येहालामि सुरजबीर बज्राचार्य, संगीत संयोजक लिसँ म्येहालामि भुपेन्द्र बज्राचार्य म्ये हालादीगु खः। लिसँ मुनिन्द्र ज्वालानन्द राजोपाध्याय व विनित ज्वालानन्द राजोपाध्याय सारंगी व बाँसुरी वादन न्ह्यब्वयादीगु खः।

ज्याइवः कजि लिसँ समाजया संस्थापक नायः बदन ज्वालानन्द राजोपाध्याय कासाया लागिं २०७६ फागुन १७ गते हे क्वचाःगु खःसां कोरोना महामारी, डेंगुया प्रकोपलिसँ थीथी हुनिं फाइनल कासा लिबाःवंगु जानकारी बियादिल।

## डा. नरेशमान शाक्यया अबु मन्त



नेपालभाषा संगीत व साहित्य ख्यलय् छू ट्युपाः हयेत ताःलाःगु गुडनाइट एफएमया नेपालभाषा ज्याइवःया संस्थापकमध्ये छम्ह अले हलिं नेवाः दबूया मूदुजः व डा. नरेशमान शाक्य व हलिं नेवाः दबूया मूदुजः दिपेशमान शाक्यया अवुजु मोतिलानि सिरपाःया पूर्व कोषाध्यक्ष (संस्थापन इलिनिसँ मद्दिक फिन्यादँतक) करुणामान शाक्य ८८ दँया उमेरय् मन्त।

### नेपाल भाषा व...

सहलह ज्याइवः न्ह्याके धुंकाः थुगु विषय मन्त्रपरिषदया एजेण्डा जुयाः प्रदेशसभां सर्वसम्मत पारित जुझु स्थितिइ थ्यंगु खः। वास्तव्य गुगुं नं ऐन निर्माणय् सरोकारवालाया सक्रियता, पहलकदमी गुलि अप्वः महत्व दइ धइगु खँ थुगु ऐनं दय् कूगुलिं सकसितं प्रष्ट यानाब्यूगु दु।

### प्रहरी चौकी...

अथे हे उगु क्षेत्रया पुलांम्ह प्रदेश सांसद राजेश शाक्य नं प्रहरी कार्यालय नापनापं कम्पुकोटया सैनिक ब्यारेक समेत चीकेगु खँय् सकलें सहमति जुझुं कनादिगु दु। हनुमानधवाखा लाग्ना खुल्ला यानाः न्हू स्वरूपय् दयेकेत्यनागु मास्टर प्लानया नक्सा नं वय्कलं सामाजिक सञ्जालपाखें सार्वजनिक यानादीगु दु।

उगु मास्टर प्लानय् सेनाया ब्यारेक दुने लानाचवंगु मजाः देगःयात समेत खुल्ला यानाः पित हयेगु योजना दुथ्यानाचवंगु दु। सेनां थ्व मास्टर

प्लानयात स्वीकृति बिसें ब्यारेक दुने लानाचवंगु ऐतिहासिक शिश महल छू पुनर्निर्माण याना बिउ धकाः प्रस्ताव याःगु व थःपिसं उकियात स्वीकार यानागु खँ नं वय्कलं कनादिल।

अन दुगु सेनाया ब्यारेक न्हापा कोत पर्व जूगु थाय् खः। थ्व कोत पर्व लिपा नेपाःया राजनीतिइ जंगबहादुरया उदय जूगु खः। उकिं इतिहासया थ्व पक्ष नं खने दइ कथं उकियात सुरक्षित यायेगु खँ जूगु जानकारी शाक्यं बियादिल। अथे हे पूर्व मेयर शाक्यं नं प्रहरी कार्यालययात अनं चीकाः सैनिक मुख्यालयया नापसं छँ दनाः च्चनेगु व्यवस्था जूगुलिं खँ मिले जुयाः न्ह्याः वनाचवंगु खँ कनादिल।

योजना तयार जुझुंकाः नं ज्या मन्ह्याःगुलिं थौंनह्य सम्पदा अभियन्ता पुचलं ज्या मवःगु थ्व प्रहरी चौकी थुना छ्वये माल धकाः अभियान न्ह्याकाचवंगु दु। थ्वहे इवल्य नेपाल प्रहरी उगु थासय् प्रहरीया म्युजियम चायेकूसा जी धकाः खँ पित हःगुलिं उकियात विरोध याना हःगु दु।

## थसिइ न्ह्यसःलिसः धेंधेंबल्ला कासा



लःसा पासा पुचः थसिया क्वचालय् नीखुक्वःगु बुसादँ व ने.सं.११४४ न्हूदँया लसताय् स्वक्वःगु नेपालभाषा न्ह्यसःलिसः

धेंधेंबल्ला कासा जूगु दु। उगु कासाय् मुक्कं गुगुं खलकं ब्वति काःगु खः। न्ह्यसःलिसः धेंधेंबल्ला कासाय् तःखा छँ दाफा खलः न्हाप, कोपिला इडलिस

सेकेण्डरी स्कुल ल्यू सामुदायिक बिकास कोष लियाल्यू लाःगु खः। अथेहे रञ्जना लिपि स्यनेज्याय मुक्कं नीन्याम्ह ब्वनामीपिन्सं ब्वतीकाःगुलि बिजय महर्जन न्हाप, अञ्जली श्रेष्ठ महर्जन ल्यू व न्ह्यजल महर्जन लियाल्यू लाःगु खः।

ज्याइवल्य महालक्ष्मी नगरपालिकाया नगर प्रमुख हरिगोबिन्द श्रेष्ठ मूपाहाँ कथं भायादीगुलि उप प्रमुख लक्ष्मी महर्जन विशेष पाहाँ, वडा नं.६ या नायः धर्म महर्जन, वडा दुजः शोभा महर्जन, नेपाल लिपि गुथिया नायः अनिल स्थापितपि पाहाँकथं भायादीगु खः।

## बिचाः हायेका



मदुम्ह नारायण महर्जन

श्री बाघ भैरवनाथ भजन खलःया दुजः

### नारायण महर्जन

आकाभाकां मदुगुलिं मदुम्हेसिया आत्मा सुखावति भुवनस बास लायेमा नापं दुःखकःपिं छँजःपिसं अनित्य संसारयात लुमंकाः नुगः ची फयेमा धकाः बिचाः हायेका च्वना।

## श्री बाघ भैरव भजन खलः

किपू।

## भर्ना चाल

**नेपालभाषा एम.ए. (M.A) न्हापांगु**  
सेमेस्टरय् भर्ना चाल  
शैक्षिक र् २०८०-८१

नेपालभाषा, साहित्य, लिपि, संस्कृति व सोधपत्र  
आययनया नििति स्तापु तयादिसं।  
छुं नं विषयलय् स्नातक तत्रिगय् पास जुझुं कूपि  
न्ह्याग्हेसिं छाने दु।

कां कुतिजा  
वेतं ११५४ ककुवाएव ४ - ककुवाया १४ तक  
(२०८० मवीर १-२५ गते तक)  
दोषर इन्सुट  
मवीर २५ व २७ गते

नेपालभाषा केन्द्रीय विभाग  
पाठन संयुक्त क्याम्पस बलिचर, ककुवाया, काठ  
माडौं ५२१८५५५, ५८२१५७५५  
५८२१७५७५८ ५८११७५७५८

## ज्ञानशाला व हलिं नेवा:या ग्वसालय् हिदान



‘हलिं नेवा: दबू नेपा: देय् मूकव:’ व ‘ज्ञानशाला अनुसन्धान केन्द्र’या मंका: ग्वसालय् थ्वहे मंसिर २३ गते शनिवा: खुसिबुँइ खुल्ला हिदान ज्याइव: जुगु दु ।

खुसिबुँइ च्वंगु ज्ञानशालाया ज्याकू उत्तमचोकय् जुगु ज्याइवल्य् येँ क्षेत्र नं. ७ या प्रतिनिधिसभा दुज: गणेश पराजुली मूपाहाँकथं भायादीगु ख: । मूपाहाँ पराजुलिं थ:के नं हिदानया अनुभव दुगु खँ कनादिसे हिदान ज्याइवलं हिया अभाव म्हो याइगु जक मखु हिदान सम्बन्धी जनचेतना नं अप्वय्कीगुलिं थुज्व:गु ज्याइव: निरन्तर जुइमा: धयादिल ।



चिकुलां हि म्हो जुइगु खँयात बिचा: याना: ब्लोदान काठमाडौं मध्येक्षेत्रलिसेया सहकार्यय् ग्वसा:ग्व:गु हिदान ज्याइवल्य् ४३ म्हेसियां हिदान या:गु ख: ।

हिदान न्हय: जुगु औपचारिक ज्याइवल्य् नुग:खँ तयादिसें दबूया नाय: सुरेन्द्रभक्त श्रेष्ठं दबूपाखें थ्व हे न्हापां खुसिइ हिदानया ग्वसा: ग्वयागु खँ कनादिसें थुगु ज्यायात निरन्तर न्ह्याका यंकेगु खँ तयादिल ।

औपचारिक ज्याइव: समापन यासें केन्द्रया नाय: भोला ढकालं ज्ञानशालां ज्ञानया खँ ल्हायगु थ:गु हे थासय् दु, शुकिं समाज व मानवताया नं

खँ ल्हवनीगु जुगुलिं हिदान ज्याइव:या ग्वसा:पाखें मानव व समुदायलिसे स्वाय् चाहे जुगु धयादिल ।

ज्याइव: उत्तमकुमार श्रेष्ठं न्ह्याकगु ख: ।

## किपुलिइ सहकारी मन्त्री पुकार महर्जनयात सुभाय् देछात



बागमती प्रदेशया संस्कृति, पर्यटन नापं सहकारी मन्त्री पुकार महर्जनयात शनिवा: मंसिर २३ गते किपू नगरय् त:जिक सांस्कृतिक बाजं थाना सुभाय् च्याली तर्क याना २३ गू हे खल: पुच:तपाखें मंका: कथं सुभाय् पौ ल:ल्हा:गु दु ।

मन्त्री महर्जनया पांगाया च्वंगु छँयिनसें हे सांस्कृतिक बाजं थाना

च्याली याना पांगाया लाछिइ थ्यंका: खँ सगं, धौ सगं बिया बेतलिं तर्क चिका: सम्मान या:गु ख: । अनं लिपा सुभाय् च्याली पांगाया ध्वाकासि जुया सल्यांचा, खासी बजा:, कुतुइव:, चाफ: जुया बाघभैरव लागाय् थ्यंका: छगू सभायासें हाकनं बेतलिं चिकेगु, सगं बिइगु ज्या तर्क या:गु ख: ।

उगु ज्याइवल्य् नेवा: देय् दबू

स्वनिग: विशेष प्रदेशया नाय: श्रीकृष्ण महर्जनं बागमती प्रदेशय् भाषा विधेयक संसदय् न्हयव्वयेगु नापं पारित यायेगु नितीं मन्त्री महर्जनं यक्व योगदान यानादीगु नापं भाषा विधेयकं सच्छिदै न्हय:निसेया नेवा:तयगु भाषा आन्दोलनया छुं छु पूर्वगुलिं वय्क:यात सुभाय् देछायेमा:गु ख: धयादीगु ख: ।

अथे हे किपू नगरपालिकाया उपप्रमुख शुभलक्ष्मी शाक्यं भिंतुना न्वचू बियादिसें आ:या अवस्थाय् भाषा विधेयकयात कार्यान्वयनया नितीं नेवा:त हे सचेत जुया न्ह्या: वनेमा:गु खँय ब: बियादिल ।

अथे हे बागमती प्रदेशया संस्कृति पर्यटन नापं सहकारी मन्त्री पुकार महर्जनं भाषा विधेयक हयेगु नितीं जुगु ज्या न्हयथसें उकियात कार्यान्वयनया नितीं हाथ्या नं दु धासें याकनं हे नियमावली दयेकेगु नितीं ज्या जुइ धका: धयादिल ।

Handicraft; Prospect for Prosperity

### 20<sup>th</sup> Handicraft Trade Fair & 18<sup>th</sup> Craft Competition

२० औं हस्तकला व्यापार मेला तथा १८ औं हस्तकला प्रतियोगिता

Date : Mangsir 28 to Poush 2, 2080 (December 14 - 18, 2023)  
Venue : Hotel De L' Annapurna, Durabn Marga, Kathmandu  
Time : 10 am to 6 pm

Organizer

In Co-operation with

Promoters

Supporters

जाजरकोट केन्द्रविन्दु बनाएर २०८० कार्तिक १७ गते गएको भूकम्प प्रभावितहरूलाई सहयोग गर्न इच्छुक महानुभावहरूलाई प्रधानमन्त्री दैवी प्रकोप उद्धार/सहायता कोषको देहायका खातामा रकम जम्मा गर्न सकिने व्यहोरा अनुरोध छ ।

बैंकको नाम	खाता नं (चलती खाता)
राष्ट्रिय वाणिज्य बैंक, पुतलीसडक	११३०१००००३७६२००१
कृषि विकास बैंक, रामशाहपथ	००१००२०१००२९०७०१४
नेपाल बैंक लिमिटेड, काठमाडौं	००२००१००५१००३९०००००१
एभरेष्ट बैंक लिमिटेड, नयाँ बानेश्वर	००१०११०२२०००१२
स्टान्डर्ड चार्टर्ड बैंक नेपाल लिमिटेड, लाजिम्पाट	०००१०१३२४३८०१
ग्लोबल आइएमई बैंक लिमिटेड, वानेश्वर	००४०१०१०००००५७
हिमालयन बैंक लिमिटेड, ठमेल	०१९०५६३१२१००११
नाविल बैंक लिमिटेड, दरवारमार्ग	१७१००१७५०५२८५
हिमालयन बैंक लिमिटेड, कमलादी	०१९०५६३१२१००४६ (डलर खाता)

**नेपाल सरकार**  
**विज्ञापन बोर्ड**

## छत्रपाटी नि:शुल्क चिकित्सालय | अस्पताल |

“स्त्रीय श्रुतम स्वास्थ्य सेवा सकसियां निती, असहायवा निती जक नि:शुल्क”

**उपलब्ध सेवा**

**२४ घण्टा सेवा**

- इमरजेन्सी
- प्याथोलोजी
- एक्स रे
- ई सी जी
- औषधि पसल
- अन्तरंग सेवा

**शल्यक्रिया**

- मोडिबिन्
- जनरल सर्जरी
- क्विडान सर्जरी सम्बन्ध
- हाइड्रोनी तथा ग्यास्त्रोमिन्
- सिम विरकार पिसाब नलीको पत्तर सम्बन्धि

**बाहिरको सेवा**

- मुटु रोग
- पेट रोग
- प्रोबोसि
- स्त्री रोग
- बाल रोग
- क्यान्सर रोग
- दन्त रोग
- चिकित्सा रोग
- अन्तरण सेन्ट्रिमिन
- बर्म तथा वीरु रोग
- नाक, कान, घाँटी रोग
- जनरल हेल्थ चेक अप
- माइक्रोइड
- मधुमेह

**मेमेन्टु सेवा**

- ट्रेसिङ
- इण्टेन्सिभ कोषी
- कोन्सोन्सकोषी
- फिजियोथेरापी
- अन्तर्मातृगु, कन्स ट्रेनर र इको
- प्रोबोसि स्तरको वन प्रयोगशाला
- टिएम.ए.इ. इन्टर

### २४ घण्टा इमरजेन्सी सेवा

७०८ गंगाखाल मार्ग, छत्रपाटी, काठमाडौं, फोन: ४२९६९३६, ४२५७९९९, ४२६६२२९